



## Konsultoria Média

### **Situasaun direitos umanus nian iha Timor-Leste ne'ebé sei hetan revizaun hosi Revizaun Periódika Universál**

**JENEBRA (31 Outubru 2016)** – Relatóriu direitos umanus Timor-Leste nian sei ezamina hosi Konsellu Direitos Umanus ONU nia Grupu Traballu Revizaun Periódika Universál (RPU) ba dala rua iha loron Kinta, 3 Novembru 2016 iha reuniaun ida ne'ebé sei [halo transmisaun \(webcast\) direta](#).

Timor-Leste inklui iha Estadu 11 ne'ebé sei hetan revizaun hosi Grupu Traballu RPU nian durante ninia sesaun tuirmai ne'ebé sei hala'o hosi loron 31 Outubru to'o 11 Novembru. [Timor-Leste nia RPU dahuluk](#) realiza ona iha loron 12 Outubru 2011.

Dokumentu sira ne'ebé mak nu'udár baze ba revizaun nian mak: 1) relatóriu nasional – informasaun ne'ebé fó hosi Nasaun ne'ebé hetan revizaun; 2) informasaun ne'ebé kontein iha relatóriu sira hosi peritu no grupu independente sira kona-ba direitos umanus, hanaran Prosedura Espesiál, Órgaun sira ba tratadu direitos umanus nian, no ONU nia entidade sira seluk; 3) informasaun hosi parte interesada sira seluk inklui instituisaun nasional direitos umanus, organizasaun rejionál no grupu sosiedade sivíl nian sira.

Entre **kestaun sira** ne'ebé hatu'o iha dokumentu sira temi iha leten ne'e mak: kombat violénsia doméstika no abuzu seksuál; Lei kontra Violénsia Doméstika; promosaun igualdade jéneru; trata ho diskriminasaun bazeia ba orientasaun seksuál no identidade jéneru; kombat traballu infantíl, medida ba protesaun labarik; programa *Bolsa da Mãe*; asesu ba servisu saúde, inklui kona-ba saúde seksuál no reprodutiva; direitu ba edukasaun no taxa matríkula eskolár; direitu no serbisu ba ema ho defisiénsia, inklui labarik sira; direitu ba julgamentu ida ne'ebé justu no asesu ba justisa; alegasaun sira kona-ba violasaun direitos umanus hosi polísia no militar durante operasaun seguransa nian iha tinan 2014 no 2015 no impunidade ba krime sira iha tempu pasadu; no implementasaun ba rekomendasaun sira hosi Komisaun Lia-Loos, Simu Malu no Rekonsiliaun no Komisaun ba Lia-Loos no Amizade.

**Relatóriu** tolu ne'ebé sai nu'udár baze ba revizaun Timor-Leste nian iha loron 3 Novembru ne'e bele haree iha ne'e: <http://www.ohchr.org/EN/HRBodies/UPR/Pages/TLSession26.aspx>

**Fatin:** Sala 20, Palais des Nations, Jenebra

**Oras no loron:** 14.30 – 18.00, Kinta 3 Novembru (oras Jenebra, GMT orras +1)

RPU nu'udár prosesu úniku ne'ebé envolve revizaun periódika ba situasaun direitos umanus iha ONU nia Estadu membru hotu ne'ebé hamutuk 193. Dezde ninia reuniaun dahuluk ne'ebé hala'o iha fulan Abril 2008, ONU nia Estadu membru hotu ne'ebé hamutuk 193 ne'e hetan ona revizaun durante siklu dahuluk RPU nian no 182 durante siklu daruak nian. Revizaun

daruak ba Estadu sira ne'e iha objetivu atu subliña dezentvolvimentu iha Área direitos umanus nian iha rai-laran dezde ninia revizaun dahuluk no fó oportunidade ida ba Estadu sira ne'ebé hetan revizaun atu esklaresa medida ne'ebé adota ona atu implementa rekomendasaun sira ne'ebé hatuur ona durante sira-nia revizaun dahuluk. Ho konkluzau ba sesaun ne'e, siklu daruak hosi RPU nian ne'e sei konklui.

Delegasaun Timor-Leste nian sei xefia hosi Sr. Ivo Jorge Valente, Ministru Justisa

Reprezentante nasaun tolu ne'ebé sai nu'udár relator (“troika) ba revizaun Timor-Leste nian mak: Xina, Olanda no Afrika du Súl.

**Webcast** hosi sesaun ne'e sei disponivel iha <http://webtv.un.org>

Lista oradór no deklarasaun hotu-hotu ne'ebé sei apresenta durante revizaun ba Timor-Leste nian ne'e sei publika iha Extranet RPU nian iha link tuirmai [username: **hrc extranet** (ho espasu); sena/password: **1session**]:  
<https://extranet.ohchr.org/sites/upr/Sessions/26session/TimorLeste/Pages/default.aspx>

Grupu Traballu RPU nian ne'e **programadu atu adota rekomendasaun sira** ne'ebé estabesele ona ba Timor-Leste iha tuku 17.00 loraon 8 Novembru. Estadu ne'ebé hetan revizaun iha oportunidade atu espresa ninia pozisaun kona-ba rekomendasaun sira ne'ebé hatuur ona ba nia durante sira-nia revizaun. Rekomendasaun sira ne'e sei fahe ho média iha loraon ida antes.

RAMATA

*Atu hetan informasaun liután no solisitasaun média, halo favór kontaktu ba Rolando Gómez iha número +41 (0) 22 917 9711 / [rgomez@ohchr.org](mailto:rgomez@ohchr.org) ka CÉdric Sapey iha número +41 (0) 22 917 9751 / [csapey@ohchr.org](mailto:csapey@ohchr.org)*

*Atu hatene liután kona-ba Revizaun Periódika Universál, vizita:*  
<http://www.ohchr.org/EN/HRBodies/UPR/Pages/UPRMain.aspx>

**Konsellu Direitos Umanus ONU, akompaña ami iha média sosiál:**

**Facebook:** <https://www.facebook.com/UNHRC>

**Twitter:** [https://twitter.com/UN\\_HRC](https://twitter.com/UN_HRC)

**YouTube:** <http://www.youtube.com/channel/UCokQuTYVvkwQb-A3TsSUM-g>